

# TIDIPOTO

Leyi i miako / tindzhawu leti hlawuriweke ho Khomixinara hi ku ya hi Xiyenge xa 6 na Xedulu eka Milawu leyi vulaka laha tidipoto ti faneleke ku simekiwa kona.

Munhu loyi a tirhaka kumbe ku fambisa tidipoto leti u fanele a fikelela swiyimo na swipimelo leswi laviwaka hi Khasitomo no nyika mbhyarhavutihlamuleri eka fomo leyi vekiweke layisense yi nga si nyikiwa, vona [Bonds policy](#) ku kuma vuxokoxoko byo tala.

Munhu loyi a tirhaka kumbe ku fambisa tidipoto leti u fanele, endzhaku ka loko tidipoto ti nyikiwile layisense hi ku helela, a tlhela a titsarisela na Khasitomo tanihi:

- Muviki wa nhundzu (mutirhisi wa RCG) hi xikongomelo xo vika mafambelo ya manghenelo na mahumelo ya tinhundzu eka miako yaleyo leyi nga na tilayisense hi ku tirhisa [sisiteme ya RCG](#); na
- Mutirhisi wa EDI ku burisana hi swiviko sweswo hi ndlela ya xitironiki eka Khasitomo hi ku tirhisa [sisiteme ya RCG, EDI user](#).

Kungu ra ndzhawu ri fanele ri rhumeriwa na fomo yo endla xikombelo naswona yi fanele yi kombisa tindzhawu leti landzelaka:

- Khasitomo ku tirha mitirho ya nsindziso;
- Nkambelo hi mahlo eka khonthena kumbe nhundzu ya le moyeni;
- Ku ngenisiwa ka swikenara;
- Ndzhawu yo paka ya Vaofisiri ya Khasitomo; na
- Nhlaysi wa nkarhinyana wa tinhundzu leti khomiweke no tekiwa, tikhonthena kumbe nhundzu ya le moyeni loko ku nga si tekiwa magoza yo karhi mayelana na tinhundzu.

**Sweswi ku na mixaka yimbirhi ya tidipoto:**

## Dipoto ya khonthena

Dipoto ya khonthena yi pasisiwile hi ku ya hi Xiyenge xa 6(1)(hB) etindzhawini leti hlawuriweke eka Xedulu eka Milawu (Nawu 200.08). Ti tirhisiwa ku hlayisa, ku khoma, ku lawulula kumbe ku kambela tikhonthena kumbe leswi nga endzeni ka khonthena. Leti i ta mphakelo eka vatundzi va leswi nga endzeni ka tikhonthena endzhaku ka loko leswi nga ndzeni swi ngenisiwile hi ndlela yo lulama kumbe ku pakiwa ka tikhonthena leswaku ti rhumeriwa ematikwenimambe.

Tidipoto ta khonthena, ngopfungopfu leti nga handle ka ndzhawu ya nhlaluko, ti pasisiwile hi xikongomelo xo tumbuluxa tshaku ro engetelela ra khonthena ku katsa na swikongomelo swo lawulula nhundzu eka heleketo wa mumnu kumbe ku phakeja tinhundzu leswaku tirhumeriwa ematikwenimambe.

Mutirhi wa le Dipoto u fanele a fikelela swiyimo na swipimelo leswi laviwaka hi Khasitomo naswona leswi swi katsa ku vikiwa ka sekhurihi eka fomo leyi vekiweke loko layisense yi nga se humesiwa. U nga tlhela u languta tibondo/xikhomelaxikweleti ku kuma vuxokoxoko byo tala.

Munyiki wa layisense wa xitirhisiwa lexi u tirha migingiriko leyi landzelaka eka miako yaleyo:

- Nhlaysi wa tikhonthena ku fikela laha leswi nga ndzeni swi nga ta basiseriwa ntirhisokaya kumbe rhumelo ematikwenimambe;
- Ku lawulula tikhonthena;
- Ku khoma, tekiwa ka tinhundzu kumbe tikhonthena;
- Nkambelo hi mahlo wa tikhonthena kumbe vundzeni bya tikhonthena;
- Mphakelo wa vundzeni bya tikhonthena eka mutundzi endzhaku ka loko vundzeni byi ngenisiwile; kumbe
- Ku pakiwa ka tikhonthena leswaku ti rhumeriwa ematikwenimambe.

## Dipoto yo hangalasa

Dipoto yo hangalasa yi pasisiwile hi ku ya hi Xiyenge xa 6(1)(hC) etindzhawini leti hlawuriweke eka Xedulu eka Milawu (Nawu 200.09). Wu vula lswaku nhundzu ya le moyeni yi nga susiwa eka endzhawini ya le kusuhi na nhlaluko ti nga se ngenisiwa evuhlayiselweni, ku khomiwa, ku lawulula kumbe xikambelo xo pakiwa hi nkatsakanyo kumbe vundzeni; kumbe ku yisiwa eka dipoto yo hangalasa kumbe mphakelo eka vatundzi va leswi nga endzeni endzhaku ka ku ngena loku faneleke ku humelela; eka migingiriko yaleyo tanihilaha swi nga vuriwa hi Nawu.

Tidipoto to hangalasa hi ku ya hi Xiyenge xa 64G, ti tirhisiwa ku:

- Susa nhundzu ya le moyeni ku suka eka endzhawini ya le kusuhi na nhlaluko yi nga se ngenisiwa evuhlayiselweni;
- Ku khomiwa ka nhundzu ya le moyeni;
- Ku lawuluriwa ka nhundzu ya le moyeni;
- xikambelo xo pakiwa hi nkatsakanyo kumbe vundzeni;
- Ku yisiwa eka dipoto yin'wana yo hangalasa; kumbe
- Mphakelo eka vatundzi va leswi nga endzeni endzhaku ka ku nghena loko faneleke ku humelela

**Xitsundzuxo xa Nkoka:** Munhu loyi a tirhaka kumbe ku fambisa tidipoto leti u fanele a fikelela swiyimo na swipimelo leswi laviwaka hi Khasitomo naswona leswi swi katsa ku vikiwa ka sekurithi eka fomo leyi vekiwewe loko layisense yi nga se humesiwa.

Ku kuma vuxokoxoko ku ya emahlweni, u nga languta xitsariwa laha hansi:

[Facilities Code List External Annexure](#)

## **Xana i tifomo tihi leti lavekaka ku nyika layisense eka Khonthena / Dipoto yo Hangalasa?**

- [Mayelana na ku nyika layisense eka Dipoto ya Khonthena](#) - Fomo leyi yi fanele yi kumiwa ku suka eka Muofisiri wa Ntsariso no nyika Layisense: Hofisikulu na webusayiti ya SARS.
- [DA 64G 01 Application form: Licensing of a Degrouping Depot.](#)

[Ku kuma vuxokoxoko mayelana na vuhlayiselo bya nkarhinyana, tlilika laha.](#)